


दैं २० • लया: १ • सिल्ला ११४५

# नशलि

नयालगयाया  
साहित्यिक लयर्थो

नःलि साहित्यिक मासिक ■ NAALI Monthly Literary Magazine



# नशलि

दर्ता नं. १६६/०६१/०६२

नयालगयाया  
साहित्यिक लय्यो

- दँ २० • ल्या: १ • थ्यल्या: १६६
- ने.सं. ११४५ सिल्ला (माघ ०६१)

सम्पादक  
नरेशवीर शाक्य

देव: / कम्प्युटर  
ईलोहं डेस्कटप

विज्ञापन  
उदय चरण श्रेष्ठ

थाकू  
प्रिन्ट स्काई  
भुरुङ्गखेल, यँ ।

देव:  
विक्रम खड्गी

पिथना:  
ईलोहं प्रकाशन  
जमः, सेतोदरबार, यँ ।  
फोन : ५३२०७३०

email:  
elohanpublication@yahoo.com

## ई ल्यःया खँ

विश्वय् हिलावंगु साहित्य लेखनया विधाय् साहित्यप्रे  
मीतय्गु ध्यान वनाच्चनी । विकसित साहित्यिक विधायात  
थःपिनिगु लेखन दुने नं दुथ्याकेगु कुतः जुइ । अज्याःगु  
हिलासू नालेमाःगु व ब्वेनामितय्त न्हूपहःया सवाः बिइगु  
कुतःयात नं सामान्य हे जुयाच्चनी । साहित्य लेखनया दुने  
परम्परागत व आधुनिक विधा ब्वलनाच्चनीगु स्वाभाविक  
खः । परम्परागत साहित्य लेखन विधया लिधंसाय् हे  
न्हूगु आधुनिक विधा ब्वलनिगु खः । तर परम्परा ले  
खन विधियात हाचां गायाः न्हूगु विधि नाले फयाच्चनी  
मखु । साहित्य दुने न्हूपहःया विचाः ब्वलनीगु सामान्य  
खः । तर थुगु चिन्तनया ल्यूने परम्परागत लेखन विधां हे  
ज्यायानाच्चवंगु दइ । साहित्य समाजया न्हाय्कं हे खः । थ्व  
अज्ञात थासं ब्वलनीगु मखु ।

# ध्वज

चिंताखँ गजल मुक्ताक हाइकु	• गजल	भूषणप्रसाद श्रेष्ठ	३
	• सहीद	कविन्द्र लाल प्रधान	४
	• गजल	बुद्ध नेवाः	५
	• छगू विरोध शोषणया	सौरभ शाक्य	६
	• गजल	राजा बज्राचार्य	७
	• हाइकु	हेरारत्न शाक्य	८
	• गजल	भरत महर्जन	९
चिंताखँ	• हारां खनां नारां ग्याः	प्रेम के निडर	१०
	• विडम्बना	शुशिला शाक्य	११
चवखँ	• मञ्जुश्री पौराणिक वा ऐतिहासिक	दामोदर प्रधान	१२
	• केशरमानया पौ बाखँ दुनेया दुसुनाचवंगु मतिना	नरेशवीर शाक्य	१५
	• जुजु प्रताप मल्लया हनुमानधवाका .....	राजेन्द्र कुमार पुता	१६
	• गजराज राजकर्णिकार : जिमि आदर्श पुर्खा	घनश्याम राजकर्णिकार	१६
	• नुगः	कुन्दन प्रसाद श्रेष्ठ	३०
सफूया खँ	• च्वापु - लुमुसे च्वंगु हाइकु मुना		३४
	• पाकः मिसाया भाःत		३५
उपन्यास	• तिसा - ६	धुस्वां साय्मि	३६
गतिविधि	नेपालभाषा गतिविधि		४०

## नरेशवीर शाक्य

जन्म/स्थान : ने.सं. १०७५ फागुण २५, मखं यें । मां-बा : हेरा देवी शाक्य, धर्मवीर शाक्य । शिक्षा : नेपालभाषा, एप्लाइड बुद्धिज्म स्नातककोर । कृति नेपालभाषा, जिं छु च्वया, भारतया यइपुगु बाखं (अनु.), इस्पया बाखं (अनु.), सिरपा मोति पत्रकारिता सिरपा, चित्तघर सिरपा, शंखधर सिरपा, पञ्चवीर सिंह सिरपा, सिद्धिचरण युवा पत्रकारिता पुरस्कार, धर्मादित्य धर्माचार्य सिरपा ।



नरेशवीर शाक्य

# केशरमानया 'पौ' बाखं दुनेया दुसुनाच्चंगु मतिना

### चवमि म्हासीका

बाखं चवमि केशरमान ताम्राकारया जन्म येंया मरुत्वालय् बौ भिक्षुरत्न ताम्राकार व मां हेरादेवी ताम्राकारया कोखं ने.सं. १०७७ कछलाय् जन्म जूगु खः । वय्कलं छधाः प्याखं व बाखं च्वया दिइ । वय्कःया ने.सं. १०९३ स सितु नेपालभाषा साहित्यिक पत्रिकाय् न्हापांगु बाखं 'थपायसकं बांला कि' पिदंगु खः । वय्कःया पिदने धुंकूगु बाखं सफू मिफुति (ने.सं. १०९७), लागाय् जि (ने.सं. ११००), जि विश्वासय् म्वाय् (ने.सं. ११०३), खः । वय्कलं थःगु 'पौ' बाखंया समिक्षकतय्सं च्वयातःगु सफू नं पिथना दिइगु दु ।

केशरमान ताम्राकार छम्ह नांजाःम्ह बाखं चवमि खः । वय्कःया बाखनय् नेवाः समाजया संस्कृति जक मखसे छम्ह नेवाःया व्यक्तिगत किचः नं खनेदयाच्चनी । पात्रयात दुग्यंक स्वयेगु कुतः नं जुयाच्चनी । वय्कःया बाखंनय् सामान्यता मनूतय् म्हासीका, परम्परा व आधुनिक जीवनया थथ्याःक्वथ्याः खंकेफइ । ताम्राकारया बाखंनय् जीवन्त कल्पनालिसें दुग्यंगु भावनात्मक विशेषता

खंकेफइ । बाखंया लिधंसाय् थःगु जीवन व जःखःया लकसयात दुवालेगु वय्कःया बाखंया विशेषता जुया च्वनी ।

केशरमान ताम्राकार थौंकन्हे अमेरिकाय् स्थायी बसोवास याना दिइ । वय्कलं नेपालभाषा साहित्यिक लेखनयात देश विदेशया पत्रिकाय् पिथनेगु याना दिइ । वय्कःया न्हू पुलांगु बाखंनं ब्वमितय्त थःगु जःखः दुवाला बाखं साहित्य निर्माणय् दुग्यंगु हःपाः बिया दिइ ।

बाखंचवमि केशरमान ताम्राकारया आपालं चर्चित बाखंत ब्वनेगु दु । वय्कःया छगू अति चर्चित बाखं 'पौ' खः । थ्व बाखंनं मनूतय्गु जीवनय् बिचाः याये मफइकथंया नुगः खँ पिदनीगु व प्वंकेगु ज्या जुयाच्चनीगु यथार्थ न्ह्यब्वयातःगु दु । मनूतय्सं पिब्वये मफइगु अव्यक्त भावना व आधुनिक स्वापूया ग्याःचिक्कु, जटिल समस्या न्ह्यब्वयातःगु दु । बाखंया पात्र सुमन व सिलाया अन्तरसम्बन्धित जीवनं बाखंयात न्हापांगु मतिना ताःई तक्क ल्यनाच्चनीगु विश्वासकथं न्ह्यब्वयातःगु दु । सामाजिक मान्यताया न्ह्यसः व मिसातय्सं

**बाःलि**

साहित्यिक लय्पौ



मचा बुइकीगु न्हूगु विकिसित प्रविधिं समाजय् बवलं काच्चं गु नैतिक दुविधायी खँ तयातः गु दु । थ्व बाखंया विषयवस्तु, चरित्र विकास व आख्यानात्मक संरचनाया आलोचनात्मक खँ न्हयथनी लिसें सांस्कृतिक व भावनात्मक दुबिस्तायात नं न्हयब्वयातः गु दु । इलय् न्हयथने मफूगु मतिना व

लिपा पश्चाताय् चायेमालिगु विषयवस्तु थुगु बाखंया मूमर्म खः । सिलां च्वःगु पतिं वं सुमनयात न्ह्याबलें नुगः दुने दुथ्याकातः गु खँयात वाःचायेकाच्चं गु क्यनी । इमिसं कलेजया इलय् पूर्वक न्हयथने मफूगु मतिना हे बाखंया दुगः जुयाच्चं गु दु । बाखनं थःथःगु पंगःयात न्हयब्वयातः गु दु गुकिं इमिगु स्वापू गबलें यच्चुक पिदने मफुत । सिलाया मछाः पहः व सुमनया लिचिलां इमिगु उगु ईया मूल मान्यता न्हयब्वयेगु ज्या जुयाच्चं गु दु । समाजय् मतिना तप्यंक न्हयब्वयेगु चलन मदु, उकियात क्वत्यलेगु हे मतिनाया सवाः जुइगु यानाच्चनी । थुगु खँ न्हयब्वयेगु ज्या जूगु दु । थ्व हे इलय् न्हयथने मफूगु ज्यां जीवन न्यंकया नुगःघाः जुयाः म्वायेत मतिनामितय्त विवश यानातः गु दु ।

मिलाननाप इहिपाः जुल नं सिलाया पौ

च्वयेगु ज्यां न्हापांगु मतिना नुगलं हुया छ् वये मफइगु वास्तविकतायात न्हयब्वःयातः गु दु । न्हापांगु मतिनां मनूतय्त जीवन न्यंक हे लिनाच्चनीगु वास्तविकता खः । थःगु नुगःखँ, न्हापाया विश्वासयात कयाः सिलाया पिदंगु बिचाः, सुमनयात थः मचाया नितिं विर्य दाता जुइत याःगु इनापं, इमि दथुया मतिनयात हाकनं म्वाकातयेगु इच्छा स्पष्ट याइ । थुगु ज्यां समाज प्रतिया निष्ठा व वफादारीया परम्परागत धारणायात हाथ्या बिइ, आधुनिक स्वापू दुने मतिना व प्रतिबद्धताया चाःयात कयाः न्हयसः थनेगु ज्या याइ ।

### सांस्कृतिक किचः व न्हूपहःया चेतना

बाखनं सांस्कृतिक किचः व व्यक्तिगत इच्छादथुया तनाव न्हयब्वइ । मिलनलिसेया इहिपा तःजिक जुयाः न्ह्यानाच्चंगु खःसां नं थःथवय्या विश्वास व मतिनाया स्वापूदुने मिलनयात न्हयथनातः गु खनेदु । तर मिलनया असक्षमतां थः मां जुइ मफूगु तथ्यं इमिगु स्वापूया दुने छबः धकिं थनातः गु वास्तविकायात न्हयब्वइ । सिलाया मां जुइगु रहं समाजय् अबु जुइत ताःमलाइपिं मनूतयगु असक्षमता न्हयब्वयेगु ज्या याइ, मां जुइमफूम्ह मिसायात हे प्यखेरं न्वायेगु ज्या जुयाच्चनी । सिला नं अज्याःगु हे लकसय् म्वायेत बाध्य जुयाच्चनी ।

टेस्ट ट्यूब बेबी टेक्नोलोजीया खँ परम्परा व आधुनिकताया दथुइ छगू मान्यताया खँ पिदनी । सुमनया मचा बुइकेगु बिर्यया छ्यलेगु सिलाया प्रस्तावं सामाजिक मान्यता व नैतिक चाकःयात हाथ्या बिइ । मचा बुइकेगु विज्ञानया प्रगतिं ब्वलंगु नैतिक दुविधा न्हयब्वइ । बाखनं मां अबुया प्रकृति, पारिवारिक स्वापूदुने जीवविज्ञानया ज्या व मचा बुइकेत जुयाच्चंगु प्रविधिया नैतिक प्रभावया बारे भावनाया महत्त्वपूर्ण न्हयसः थनेगु याइ ।

बाखि

साहित्यिक लय्पौ



### चरित्र विकास व भावनात्मक स्वापू

सुमन व सिला बाखनय् मू पात्र जुयाच्चंगु खःसां इमिगु स्वापू लिपांगु इलय् थाकूक हे ब्वलंकातःगु दु । इमिगु भावना व हःपालं हे बाखं न्ह्याकातःगु दु । सिलाया भाःतं इमिगु दुनेया संसार न्ह्यथनेगु ज्या याइ अले इमिगु कमजोरी, लालसा व क्यातुपहःयात न्ह्यथनी । सुमनपाखे सिलाया मतिना, व पाखें मचा दयेकेगु वयागु इच्छाया खँय् सिलाया चरित्र न्ह्यब्वयेगु ज्या याइ, सिलापाखे ब्वंनामितय् नुगः क्वसाकूगु नं खनेदइ ।

मेखेर सुमनपाखें दुर्ग्यंगु आशा व आत्मनिरीक्षात्मक पात्रकथं न्ह्यब्वेगु ज्या जुयाच्चंगु दु । पौ ब्वनाः वयागु लिच्चलय् चःति हायेकेगु व म्ह पिपिच्याकेगु ज्या वयागु भावनात्मक थथ्याःक्वथ्याःयात न्ह्यब्वयेगु ज्या याःगु दु । बाखनय् सुमनया लिच्चलं ब्वंनामितय् वयागु क्वछिनाया खँय् बिचाः याकेत बाध्य याइ । थ्व अस्पष्टतां बाखंया भावनात्मक कचिंगःयात अभं अप्वयेका बिइ । थुकिं ब्वंनामितय् मतिना, भलसा व नैतिकता विषय थःगु हे नुगःयात कयाः बिचाः यायेत बाध्य याना बिइ ।

### बाखं च्वयेगु पहः

बाखं च्वयेगु पहः दुने नुगः खँ व चिन्तन नितां दुथ्यानाच्चंगु दु । संचारया न्हापाया तरिका पौया छ्यलबुलां थुकि दु । सिलाया विचाः व भावनाया दुर्ग्यंगु स्वापूयात चिन्तन यायेमाःगु खँय् सुमनयात वाः चायेका बिइ । एपिस्टोलरी कथं तात्कालिक व प्रामाणिक भावना ब्वलंकेगु ज्या याइ, ब्वंनामितय् सिलाया संसारपाखे आकर्षित याइ । अथेखःसां पौया छखेरं जकया बाखनं चाकःयात लिक्कुंका बिइ । ब्वंनामितय्सं सुमनया विचाः व लिच्चःया अनुमान यायेगु ल्यं हे दनी । अय्न् बाखं

दुने ब्वलनाच्चंगु मतिना व विश्वासयात छगू आधार बिइ ।

बाखंया धाः सरल व विचाः यायेबहःगु खनेदु । ताःहाकः खँ न्ह्यथनेगु थासय् भावनात्मक खँय् दुबिइगुलि ध्यान दुथ्यानाच्चंगु खनेदु । ब्वंनामितय् सिलाया पौ दुने दुथ्यानाच्चंगु बिचाः व वयागु प्रस्तावय् खनेदुगु निस्वार्थ भावना न्ह्यब्वयातःगु खनेदु । सुमनया ग्याःचिकु व चःति बइगु खँ क्वचायेकातःगु बाखनं ब्वंनामितय्सं क्वछि मफूगु बिचालं तनाव ब्वलंकाच्चंगु वाःचायेके फइ । थुकिं सुमन व सिलाया मज्यलावंगु मतिना न्ह्यथनेगु ज्या याइ ।

### सांस्कृतिक व भावनात्मक स्वापू

पौ बाखनय् सांस्कृतिक व भावनात्मक स्वापू यच्चुक खनेदु । बाखनय् न्ह्यब्वये मफूगु मतिना व लिपा पछुताये मालीगु खँ बाखंयात म्वाकातःगु दु । सांस्कृतिक चाःयायात क्वत्येलगु आकलन दु । छगू हे इलय् सांस्कृतिक बिचालय् बाखंया जोड व आधुनिक टेक्नोलोजी ब्वलंकूगु नैतिक दुविधां छगू विशिष्ट सामाजिक सन्दर्भ न्ह्यथनेगु ज्या जूगु दु । बाखंया भावनात्मक स्वापुतिं नुगः क्वसायेकेगु ज्या दुर्ग्यंगु जूगु दु । सिलाया मां जुइगु रहर व सुमनलिसे हाकनं स्वापू तयेगु ज्यायात मानवीय धायेफइ । थुकिं छगू सापेक्ष व आकर्षक चरित्र न्ह्यब्वइ । सुमनया आन्तरिक द्वन्द्व मतिना व क्वसाःगु नुगलं ब्वनामितय् थःगु हे मूल्य व मान्यतायात न्ह्यब्वयेगु ज्या याना बिइ ।

### नैतिक प्रभाव

मचा बुइकेगु आधुनिक प्रविधिं बाखनय् नैतिक व नैतिकताया न्ह्यसः ब्वलंकेगु याइ । सुमनया बिर्यं छ्यलेगु सिलाया प्रस्तावं

**बाःलि**

साहित्यिक लय्पौ

अभिभावकत्व व निष्ठाया परम्परागत धारणायात हाथ्या बिइ, थुकिं ब्वंनामितयूत मतिना व थःगु नुगः खँया ध्वः किइत बाध्य याइ । बाखनं अपुक्क लिसः बिइमखु बरु नैतिक प्रभावया व्याख्यायात चकंका बिइ । थुकिया अस्पष्टता शक्ति व कमजोरी नितां खः । छखेर ब्वंनामितयूत थाकूक्क नैतिक दुविधालिसे ल्वायेत बिचाः न्ह्यब्वइ । सङ्कल्पया म्होतिं सुं सुं ब्वनामितयूत असन्तोष नं ब्वलंका बिइ फइ । तर ब्वंमिपिन्सं सुमनया क्वछिना व उकिया लिच्चःयात बिचाः यायेमाःगु अपरिहार्यता थुइके फयेमाः ।

थ्व छपू विचारोत्तेजक बाखं खः । थुकिं मतिना, पछुताय् चायेगु व आधुनिक स्वापूया समस्यात न्ह्यब्वइ । पित बिइमफूगु भावना व नैतिक दुविधां ब्वंनामितयूत इमिगु हे विश्वासया खँ थुइकेत हाथ्या बिइ । सुमन व सिलाया खं बाखंयात न्ह्यनेयंकाः भावना व प्रेरणायात थाय् बियातःगु दु । बाखंया अस्पष्टतां छुं न्ह्यसःया लिस अर्थे तयाब्यूगु दु तर थुकि भावनात्मक व नैतिक स्वापू दुर्ग्यका ब्यूगु दु ।

### बाखंया पात्र

बाखंनय् भावनात्मक विचाःयात हे केन्द्रबिन्दु दयेकातःगु दु, तर इमिगु छुं मचाःमगाःया नं पितहयेगु ज्या जूगु दु । सिलायात छम्ह कमजोर व स्पष्टकथं न्ह्यब्वयेगु यानातःगु खःसां अप्वः हे आदर्शवादी व थः केन्द्रित मिसाकथं न्ह्यथनातःगु दु । सुमनयात थः मां जुइगु इच्छा पूर्वकेत विर्य दान यायेत इनाप यानातःगु प्रस्तावं सुमन व वया भाःत मिलनया भावनात्मक व नैतिक मान्यतायात बेवास्ता यानातःगु दु । सुमनपाखे वया थःगु न्हापाया मतिनाया मिखांयाःगु इनापया व्यावहारिक व नैतिक लिच्चःयात ध्याकुनय् तयातःगु दु । सिलां मेपिनिगु भावनायात

वेवास्ता यानातःगु खनेदु । थः मां जुइगु इच्छायात हे सर्वेसर्वा यानातःगु दु ।

सिलाया भाःत मिलन बाखंया दकले अविकसित पात्र खः । व छचाः चाकः दुने जक अलमल जुयाच्चंगु खनेदु । वयागु बिचाः भावना न्ह्यब्वयेगु ज्या जुयाच्चंगु मदु । सिला व वं फयेमालाच्चंगु हाथ्याः दथुया पानाच्चंगु खँ छु खः ? सिइमदु । सिलाया प्रस्तावयात कयाः वयागु भावनात्मक अवस्था वा नैतिकता खँ न्ह्यब्वयेगु ज्या जुयाच्चंगु मदु । थुकिं मिलनया चरित्र स्वया नं छम्ह बाखंया पात्रकथं जक न्ह्यथनेथु ज्या जुयाच्चंगु दु । इहिपाःया जीवनय् दयेमाःगु मान्यता व नैतिक दुविधायात कमजोर यानाब्यूगु दु ।


### पौ बाखंया समालोचना

बाखं च्वमि केशरमान ताम्राकारया सकृयताय् 'पौ बाखं दुवाला'या नामं नीछम्ह मय्जु साहित्यकारपाखें समिक्षा याना सफू पिथनेगु ज्या जूगु दु । बाखंया मूचु मतिनाय् छम्ह मिसाया चरित्र न्ह्यथनाः मिसा साहित्यकारपाखें हे समालोचना याकेगु पाय्छिगु खँ खःसा मतिना धयागु मिसा व मिजंया मंकाः भावनाया उपज जूगु खँ दुवालेगु आवश्यक जुइ । पौबाखंया समिक्षा मिसा साहित्यकारपाखें जक छाय् जुयाच्चन ? थुकिया लिसः नं पिज्वयेमाःगु माःगु आवश्यक जुइ ।

समग्रय् बाखंया पात्रतय्सं मतिना व आधुनिक दुविधायात न्ह्यथनेगु ज्या याःसां थुकिं ब्वलनाच्चनीगु नैतिक ग्याः चिकुं मनूतयूत जीवनभर हे लिनाच्चनी । भावनात्मक व नैतिक स्वापू बल्लाइगु खःसां लिच्चलं लिपाथ्यंकि बिइगु स्याःचाःयात नं थुइकेमाः । मनूतयगु जीवन भावनां जक न्ह्याइगु मखसे यथार्थ नं लिचु लिनाच्चनी । थ्व हे जीवनया यथार्थ खः ।



DISCOVER AND  
EXPERIENCE



MANAKAMANA CABLE CAR